



**Ast.º: Certificado decreto da adxudicación provisional**  
**Ref.ª: Expdte. A. 02/10**

M. BLANCA ESTÉVEZ SÁNCHEZ, SECRETARIA-INTERVENTORA DO CONSORCIO PROVINCIAL CONTRA INCENDIOS E SALVAMENTO DE A CORUÑA,

C E R T I F I C A :

Que segundo se desprende do Libro de Decretos da Presidencia arquivado nesta Secretaría ao meu cargo, resulta que o día tres de agosto de dous mil dez (03.08.2010) o sr. Presidente adoptou a resolución contida no decreto que de seguido se transcribe:

---

<< Sendo titular da Presidencia do Consorcio Provincial Contra Incendios e Salvamento da Coruña,>>  
(...) << a referida Autoridade dita a seguinte resolución:

Logo de ver o expediente A. 02/10 incoado para a contratación do servizo que comprende a redacción do proxecto de execución (Fase I) e posterior intervención no procedemento contractual de adxudicación das obras e, unha vez contratadas, dirección facultativa e coordinación en materia de Seguridade e Saúde (Fase II), das obras de reforma e ampliación do edificio sede administrativa do Consorcio Provincial contra Incendios e Salvamento da Coruña, aprobado en resolución desta Presidencia do 25 de xuño de 2010 e atendidos os seguintes

**a n t e c e d e n t e s :**

1. Que ao amparo da Lei 30/2007, de 30 de outubro, de Contratos do Sector Público, o expediente se tramita de xeito ordinario e mediante procedemento negociado sen publicidade, xustificando este extremo, en que o prezo do presuposto do servizo obxecto do contrato, non supera a contía establecida polo art. 155.d) en relación co art. 161.2) LCSP, resultando ser inferior ao que estas disposicións establecen como límite máximo para utilizares este procedemento (155.d) sen publicidade (161.2).
2. Que, en consonancia co anterior e tal como reflicte a cláusula 2ª do prego de administrativas particulares o prezo da licitación do contrato (coa partida do I.V.E. excluído), ascende á cantidade de 56.400,00€ (cincuenta e seis mil catrocentos euros).
3. Que constan no expediente que se cursaron tres invitacións e que foron recibidas por empresarios capacitados tal e como require a Cláusula 10ª do prego de administrativas particulares e que rematado o prazo para a presentación de ofertas, foron presentadas dúas máis unha renuncia expresa.
4. Que, de conformidade con indicado prego, establecece na súa cláusula 17ª que o único criterio a ter en conta no procedemento de adxudicación, é a mellora no prezo do contrato reflectido na cláusula 2ª.1.
5. Que realizada a apertura da documentación administrativa e económica dos dous licitadores presentados, considerouse conforme co requirido e polas cláusulas 10ª, 11ª e 12ª do prego de administrativas particulares que rexe no expediente A. 02/10, sendo tamén, que unha das ofertas vai estrictamente ao tipo de licitación e, outra, realiza unha baixa sobre o mesmo, polo que resulta procedente, en atención á indicada Cláusula 17ª, realizar a adxudicación en favor da oferta economicamente máis vantaxosa.

Sobre a base do expediente tramitado e unha vez realizada formalmente a apertura das ofertas tal e como queda indicado nos antecedentes, en aplicación do establecido na cláusula 15ª.2 e concordantes do prego de cláusulas administrativas citado así como en relación coa Disposición adicional segunda da indicada Lei de Contratos do Sector Público, mediante o presente

**R E S O L V O :**

**1º.** Aprobar o proceso de licitación por entender que o mesmo queda axustado ao establecido nas cláusulas 10ª e seguintes do prego de administrativas particulares que rexe no expediente A. 02/10, aprobado por esta Presidencia mediante resolución contida no decreto de data 25 de xuño de 2010.



2º. Tendo en consideración que a tenor do disposto na cláusula 17ª do referido prego o prezo constitúe o único criterio de negociación no procedemento, adxudicar provisionalmente o contrato para os servizos comprendidos no Expediente A. 02/10 a "HERMO, IGLESIAS, VEIGA, ARQUITECTOS, S.L.P.", polo prezo ofertado por este e que ascende a 56.200,00€ (cincuenta e seis mil douscentos euros), máis a partida correspondente ao I.V.E., consonte ao seguinte:

	FASE - I	FASE - II	TOTAL OFERTADO (CIFRA E LETRA)
Prezo base ofertado	15.700,00€	40.500,00€	56.200,00€ Cincuenta e seis mil douscentos euros
Imposto sobre o Valor Engadido (18%)	2.826,00€	7.290,00€	10.116,00€ Dez mil centos dezaseis euros
Total ofertado incluído o I.V.E.	18.526,00€	47.790,00€	66.316,00€ Sesenta e seis mil trescentos dezaseis euros

2º. En concordancia co disposto na Cláusula 16ª do prego de administrativas particulares, o sinalado adxudicatario provisional deberá presentar dentro do prazo máximo dos **quinze días hábiles** desde o seguinte ao da publicación do resultado da adxudicación provisional no perfil do contratante, a documentación requirida na indicada cláusula incluíndo a **garantía definitiva** polo importe de 2.810,00€ (Cláusula 13ª do prego citado.).

3º. Contra o presente acto administrativo comprensivo da adxudicación provisional do contrato comprendido no Expdte. A. 02/10, e que de conformidade coa Lei 30/1992, de 26 de novembro, de Réxime Xurídico das Administracións Públicas e do Procedemento Administrativo Común, é firme na vía administrativa, poderá interpoñerse polos licitadores, ante a Presidencia, e de forma potestativa, recurso de reposición, dentro do prazo dun (1) mes contado desde o día seguinte ao da recepción da notificación da dita adxudicación e, nese caso, non poderá interpoñer recurso contencioso - administrativo ata que o de reposición sexa resolto de forma expresa ou se producira a desestimación presunta do devandito recurso de reposición (art. 116.2 da Lei 30/1992, do 26 de novembro, de Réxime xurídico das Administracións públicas e do Procedemento administrativo común).

O prazo de interposición do recurso contencioso - administrativo posterior ao de reposición será:

- a) De dous meses desde o día seguinte o da notificación da resolución expresa do recurso de reposición.
- b) Caso de non se dictar resolución expresa, o prazo será de seis meses a contar desde o día seguinte a aquel no que deba entenderse desestimado presuntamente o recurso de reposición.

Caso de non interpoñer o dito recurso potestativo, poderse interpoñer, directamente, o recurso contencioso - administrativo ante o Iltmo. Xulgado do Contencioso - Administrativo da Coruña, dentro do prazo de dous meses a partires do día seguinte ao da recepción da notificación da adxudicación provisional (todo isto, consonte ao establecido pola Disposición Adicional décimo carta da Lei Orgánica 19/2003 do 23 de decembro, de modificación da Lei Orgánica 6/1985 do 1 de xullo, do Poder Xudicial, que modificou o art. 8 da Lei 29/1988, do 13 de xullo, reguladora da Xurisdicción Contencioso - Administrativa, e arts. 46.4 e 116.2 desta última).

4º. Publíquese certificación da presente resolución no perfil do contratante, notifíquese aos licitadores interesados e emítase, finalmente, a correspondente certificación para a súa unión co expediente A.02/10 do que trae causa.

<<Rematado (...)>>

---

E para que así conste e na unión cos documentos que proceda xurda os efectos oportunos, emito a presente certificación en cumprimento do disposto polo art. 2.e) do texto normativo aprobado polo Real decreto 1174/1987, do 18 de setembro, e de orde e co visto e prace do Iltmo. sr. presidente, en Carballo, a tres de agosto de dous mil dez.

**V.º e pr.**  
**O presidente,**

Asdo.: Santiago Villanueva Álvarez